



Jess Svane
Inatsisartut
her

§ 37.1 183/2015 seeqqulertinniartunut siffialertinniartunullu pillugu akissut

04-08-2015
Sags nr. 2015 - 6403
Dok. nr. 808151

Asasara Jess Svane

Postboks 1160
Tlf: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

Seeqqulertinniartunut siffialertinniartunullu apeqquteqaatinnut qujanarujussuaq. Tunngavilersuutinni takusinnaavara napparsimasuni utaqqisut sukkanerusumik suliarineqartalernissaanut, tamannalumi naalakkersuisooqatigiinnermi siunertamut naapertuuppoq tassalu *"Kinaluunniit nappaateqarnerluni paasisaqassaaq misissortinnerminiit piffissap aalajangersimasup ingerlareerneratigut, taamatullu suliaritinnissamik piffissap aalangersimasup iluani neqeroorfigineqassalluni"*.

1. Nunatsinni naggussamikkut ajoqutillit qassiuppat?

2005-2009-mi innuttaasunik misissuinnermi Kalaallit Nunaanni inersimasut akornanni takutinneqarpoq, inersimasut quliugaangata arfineq aappassaat ullut 14-nit iluanni nukimikkut, saanermikkut naggussaminnillu anniartartut ippigisaqartartulluunniit aammalu 16 %-iisa tamanna pissutigalugu annerusumik ippigisaqartartut.

Nagguaasanik ikkussinermi naggussakkut gigteqarluni nappaateqarneq naggussat nungujartornerisa kinguneri peqqutaanerpaanut t ilaapput. 40-50-nik ukioqalernermi annikitsumik ersluteqalertarpoq, sanigornikkulli, nakorsartinnikkut, sulinerup nalaani inissisimariaatsikkut kiisalu timersornerulernikkut annikillisinneqarsinnaavoq. Ukiut arlallit ingerlareerneranni ajornerulernikkut seeqqulertinnermik siffialertinnermilluunniit pisariaqalersitsisoqarsinnaavoq. Tamannalu, qaqugukkut neqeroorfigitittoqarsinnaasoq ersarissunik piumasaqaateqarpoq, napparsimasorlu aatsaat suliaritinnissaminut piareerpat utaqqisuni allatsissinnaavoq.

2. Siffialertinnissaminnik utaqqisut qassiuppat?

Januar 2015-mi nutaamik seeqqulertinniartut nutaamilluunni siffialertinniartut utaqqisut 288-iupput. Nutaamik siffialertinniartut maanna 28-it utaqqipput. Taassuma saniatigut § 37.1 146/2015 –mut akissuteqaat innersuussutigissavara, tassani peqqinnissaqarfimmi suliaritinnissamut utaqqisut kiisalu utaqqisut nalunaarsorneqarneranut pillugit akissut.

3. Siffialertinnissaminnik utaqqisut qassiuppat?

Apeqquummut 2-mut akissut innersuunneqarpoq

- 4. Sygesikringen Danmarkimut ilaasortaasut allanullu sillimmasiisarfinnut ilaasortaasut nunatsinneersut suliaritinniartut eqqarsaatigalugit, Danmarkimi napparsimaviit namminersortutut seeqqulertinniartunut siffialertinniartunullu oqilisaasseqataatinneqarsinnaannginnerpat Kalaallit nunatta peqqinnissaqarfiata akileeqataaffigisaanik?**

Peqqinnissakkut sullissineq pisariaqartitsineq naapertorlugu tunniunneqartarpoq. Inatsisartut peqqussutaat nr. 15, 6 november 1997-meersumut, § 1 imm. 2-mut, peqqinnissaqarfiup sullissinerinut assigiimmik periarfissaqartitsisoqarnissaa pillugu, aaqqissuussamut siunnersuutigineqartumut naappertuuttuussanngilaq tassami innuttaasoq nammineq imaluunniit sulisitsisuata tapiineratigut peqqinnissakkut qularnaveeqqusiinikkut periarfissalimmut pitsaanerusumik periarfissiisoqalissammat. Tamannalu inuiaqatigiinni equngalersitsissaaq. Taassuma saniatigut peqqinnissaqarfiup aningaasaqarniarnera pisariaqartitsineq aammalu agguaqatigiissitsineq malillugu ingerlasinnaanani, taamaalillunilu aamma napparsimasut aalajangersimasut allatigut anniaateqartut assigiimmik ullumikkutuulli neqeroorfigineqarsinnaassanngillat.

Inussiarnersumik inuulluaqqusillunga


Doris Jakobsen